

新疆圖

新疆圖志卷六十八

水道志二

喀什噶爾河

喀什噶爾河爲黃河初源出葱嶺東流是爲葱嶺北河
漢書西域傳河水一源出葱嶺一源出于闐合流東
注蒲昌海水經崑崙墟在西北河水出其東北曲屈
流其東南又南入葱嶺山又從葱嶺出而東北流其
一源出于闐國南山北流與葱嶺所出河合又東注
蒲昌海水經注河水重源有三一源西出捐毒之國

慈嶺之上西去休循二百餘里南屬慈嶺高千里河源潛發其嶺分爲二水一水西逕休循國南在慈嶺西西域傳水經皆謂黃河初源有二一爲慈嶺河一爲于闐河以慈嶺河兼北河南河也山海經崑崙之墟方八百里高萬仞崑崙墟卽慈嶺也至水經注始言河有三源所謂河源潛發慈嶺一水西逕休循南又逕難兜國又逕屬賓國北與蜺羅跂禰水同注雷翥海乃慈嶺而流之水入慈嶺而東流者爲中國河初源法顯西域記商彌國境東北踰山越國行七百

餘里至波謎羅川東西千餘里南北百餘里狹隘之處不踰十里據兩雪山間中有大龍池東西三百餘里南北五十餘里據大蔥嶺內當瞻部洲中海國圖志蔥嶺北河出喀什噶爾城西千餘里之大龍池是爲黃河初源水道記和什庫珠克嶺有大池曰哈喇庫勒周數百里登阿賴山巔以望銀濤一片上涵大光池東出水東流池西出水西流卽將軍兆惠躡大小和卓木之地疏附鄉土志蔥嶺爲縣境諸山之祖城西千餘里爲蔥嶺之巔其最高處五峯環峙積雪

不消蓋卽昆侖五城也惟東北缺一口仍塞以平頂

石子砂梁厚約五十里望之如堤隍回語爲阿賴依

其各不周或卽指此五峯之中冰雪消融滙爲巨浸長約百五

六十里寬可七八十里中有小山如島回語謂之哈

喇庫爾猶言黑水海子也蓋卽西域記之大龍池釋

典之阿耨達池也池中風烈波高銀濤雪浪上涵天

光高瀦萬仞之巔隱爲衆水之天潢四面卻無顯出

之水諸書謂流爲而大水者莽是亦有潮汐惟無常

期近池惟阿賴依稍平餘均荒夔阻絕人未能近接

西北峯一支北行爲黑孜爾拉提山是爲北幹又西
北行連起三峯曰黑孜冷山曰綠野山曰托合巧山
袤延三百餘里冰雪凝積崢嶸極目山東北即烏蘇
河源再北由帖列克達阪折而東行爲通布倫嶺各一

屯木倫

鄉土志謂大龍池無顯出之水三峯在哈喇庫

勒西北烏蘭烏蘇河源在三峰之東北與前人雅璫
雅爾出大龍池東流之說稍異考之回部圖中俄界
圖屯木倫在葱嶺之東東北行踰嶺爲阿賴嶺嶺南
爲克則勒蘇河河南爲後阿賴嶺再南爲坎甫曼嶺

再南爲穆科蘇河源與克則勒蘇均西流穆科蘇河源之東爲喀喇庫勒泊泊之東爲葱嶺正幹嶺東東流者爲南北河之源嶺西西流者爲克則勒蘇穆科蘇之源喀喇庫勒東踰喀喇租庫嶺卽喀喇租庫河源但爲嶺所隔迥不相通喀喇庫勒西北面平迤無峯巒之阻殆鄉土志所謂東北缺一口仍塞以平頂沙梁者沙梁之北偏東爲瑪爾堪蘇河源再東北隔一嶺爲赫色勒初源匯爲克則勒蘇河阿賴嶺南一河與赫色勒初源東西相直西人亦謂之克則勒蘇

西域記所謂大龍池東西分流者定即指此徵考葱嶺東西水源必自喀喇庫勒始南北河之源亦莫不胚胎於此大荒西經西北海之外大荒之隅有山而不合名曰不周負子西山經長沙之山又西北三百七十里曰不周之山穆王西征至於崑崙於南北河源靡不觀歷當時必有圖經流傳屈騷云忽吾行此流沙兮遵赤水而容與路不周以左轉兮指西海以爲期赤水即赫色勒不周即喀喇庫勒不周西北有山曰阿賴依即不周負子由流沙西行必遵赤水經

喀喇庫勒左轉而後能達西海以今圖證之無不召
合屈子當日非按圖而求安知其爲左轉也穆王時
東西相通至秦皇築長城焚圖書復行閉塞論者謂
張騫開西域陋矣舊說或語焉而不能詳即詳矣閱
者或不能盡解必博觀諸圖以融會貫通之庶幾了
然心目地文地理豈易言哉

北河三源一源出帖列克達阪東格爾瑪達阪滙爲廓
克蘇河又東三峯黑子冷蘇來滙爲奴拉蘇卽赫色勒
河是爲烏蘭烏蘇上游

北河源出葱嶺萬峯玉立有一峯卽有一澗有一澗
卽有一源本難以數計姑就源之滙爲河者言之舊
說分爲南北二源今考瑪爾堪蘇一源尙遠於烏蘭
烏蘇雅瑪雅爾自應列爲一源合之南北二源而得
三焉烏蘭烏蘇亦有二源一發帖列克達阪山頂東
格爾瑪山頂合流爲奴拉蘇一發三峯黑子冷蘇入
奴拉蘇卽赫色勒河也水道記阿賴東南爲喀卜喀
山亦曰赫色勒嶺四山注水至嶺下瀦爲小池嶺亦
而黃河色赤蒙古語赤爲烏蘇是曰烏蘭烏蘇河回

語赤爲赫色勒又曰赫色勒河赫色勒嶺水東流百
二十里逕木克渾又百里逕提干又百二十里逕愛
依阿提嶺北又百二十里逕康什壩又百里逕別什
托海有通布倫嶺水自西北來滙通布倫嶺水又東
南流四十里經努拉又五十里經卡里他布拉克有
一水自北來滙通布倫嶺水又東南流七十里經伊
亨又東南流十五里經喇哈喇喀喇又東南十里經
喇哈喇口子有一水自北來滙又東南六十里經稍
里托海又東南十里經烏魯胡喀特有一水自北來

滙又東南七十里經倭胡蘇魯又東南四十里經坎
鐵列克又東南五十里經怕哈布拉克又東南四十
里漢約換南與赫色勒嶺水滙新疆圖說烏蘭烏蘇
河源出喀什噶爾城西岳瓦什布魯特部落通布倫
嶺南特起三峯曰黑子冷山曰綠野山曰托合巧山
三峯之北懸崖數仞瀑布飛流隆冬不竭黑子冷峯
一泉尤大流至山麓合爲一川西人名曰黑子冷蘇
又云西域志有赫色勒河爲北河北源卽唐之赤河
赤河來自疏勒西葛祿嶺疏附鄉土志烏蘭烏蘇河

發源城西九百六十里通布倫嶺之南而三峯之說
悉同新疆圖說謂即華嚴音義之徙多河唐之赤河
西域志之赫色勒河東南流九十里又東北流八十
里至伊爾克什坦西人名克則勒蘇河其經過冰嶺
或名阿拉爾古或或古稱阿魯于工故伊犁志云河源出
自阿拉古山至是愛坎什唐木水自南而北入焉爲
中俄分界處北河北源諸說紛歧今人頭昏目眩取
圖証說稍覺了然而圖亦不足盡信述蔥嶺北河者
始於西域傳水經注至水道記復取舊說証以親歷

具

苦心然以赫色勒嶺屬之喀卜喀山不無可疑蓋圖
瑪爾堪蘇河在西瑪爾幹山在東喀卜喀山更在瑪
爾幹山之東其北即烏蘭烏蘇河經流水道記稱赫
色勒嶺水東流五百六十里始與通布倫水會鄉土
志由通布倫嶺發源至疏附城僅九百六十里喀卜
喀山在城西五百五十里喀卜喀果即赫色勒嶺則
出源東流五百六十里已過疏附縣城東布倫一源
在城西數百里外安能與之相會徐氏以北源歸之
赫色勒通布倫嶺誠是以赫色勒阿賴屬之喀卜喀

山則東西易位矣水道記羅布淖爾所受水第一圖
通布倫一源滙喀卜喀西來之水在漢約換南托什
別海東北漢約換即鄉土志西門一路之安鳩安一
作堪朱干於漢約換音相近東距喀浪圭內卡五十
里徧考各圖托什別海漢約換之南岸支河張圖僅
有東流阿依阿奇一水疏附縣圖亦有阿依阿奇水
其流又出南而北均傍喀卜喀山別無西來大水流
入可與喀卜喀一源相等者雖知其失實而無以正
之及覽沙大臣勘界日記圖說始知喀卜喀者乃

布噉之誤勘界日記屯木倫山下向北行三十里上
達阪頂順窄澗三十餘里下至廓克蘇河岸由此橫
渡廓克蘇河上小達阪北行三十里至以克則山口
向北行二十里至以克山頂過山下五里至廓克蘇
河岸河有二源一出帖列克山頂一出東格爾瑪山
頂至此各出山口合流爲廓克蘇河向東過諸山峽
入紅水名可自勒蘇即克則勒蘇又東流至伊爾克
池他木河以東匯大河名奴拉蘇即烏蘭鳥蘇謂葱嶺北
河黃河源是也又由廓克蘇向北行六十里至東格

爾瑪又名哈喇別里達阪絕頂中俄兩國共立牌博
向西南捷徑出山口仍回至廓克蘇河岸住息勘界
圖帖列克達阪一源發帖列克達阪山頂東南流有
碎金得水古魯太瑪水自西來入之又東南流經嘎
布嘎又一水自西來入之又東南流東格爾瑪一源
發東格爾瑪山頂三水合而西南流至克則克達阪
卡倫西北與帖列克一源相滙既滙爲廓克蘇河又
南東流有可自勒蘇水嘎他拉克水自西來入之又
東南流有一水自西來入之又東南流爲依爾克什